

**II. ATALA****BIZKAIKO LURRALDE HISTORIKOKO TOKI ADMINISTRAZIOA****Mungiako Udala****Gizarte Arloko Larrialdi-Egoeretarako Diru-Laguntzak arautzen dituen Udal Ordenantza behin betiko onarpena.**

Mungiako Udalbatzak 2017ko ekainaren 23an egindako Ohiko Bilkuran hasierako onarpea emon eutsen Gizarte Arloko Larrialdi-Egoeretarako Diru-Laguntzak arautzen dituen Udal Ordenantzari.

Toki Araubidearen Oinarriak Arautzen dituan apirilaren 2ko 7/85 Legearen 49. artikulua bat etorrita, onarpen horren ganeko iragarkia Bizkaiko Aldizkari Ofizialean (2017ko uztailaren 18an, 137 zenbakiko aldizkarian) eta Udaletxeko Iragarki-oholean argitaratu zan; eta ikusgai jarri zan 30 egunean (uztailaren 18tik abuztuaren 31ra bitartean), erreklamazioak eta proposamenak egin ahal izateko.

Alegazioak aurkezteko epea aurtengo garagarriaren 13an amaitu danez eta tarte horretan ezelango alegaziorik aurkeztu ez danez, Toki Araubidearen Oinarriak Arautzen dituan apirilaren 2ko 7/85 Legearen 49. artikulua araberan, orain arte behin behinekoa zan akordio hori behin betikotzat jotzen da, eta Udalbatzari honen barri emongo jako.

Dana dala, Toki Araubidearen Oinarriak Arautzen dituan apirilaren 2ko 7/85 Legearen 65.2 artikulua bat etorrita, Ordenantzearen testu osoa iragarki honen bitartez Bizkaiko Aldizkari Ofizialean publikatuko da, eta ez da indarrean sartuko aitaturako Legeak ezartzen dauan 15 eguneko epea pasatu arte.

**GIZARTE ARLOKO LARRIALDI-EGOERETARAKO DIRU-LAGUNTZAK
ARAUTZEN DITUEN UDAL ORDENANTZA**

Gizarte Zerbitzuei buruzko abenduaren 5eko 12/2008 Legearen helburua Euskal Autonomia Erkidegoaren eremuan gizarte-zerbitzuen prestazioak eta zerbitzuak jasotzeko eskubidea sustatu eta bermatzea, eta, horretarako, Gizarte Zerbitzuen Euskal Sistema unibertsal bat arautu eta antolatzea.

6. artikuluan dago zehaztuta zein den Gizarte Zerbitzuen Euskal Sistemaren helburua:
- Pertsonen autonomia sustatzea eta mendetasun-egoerek pertsoneri eta familiei eragiten dizkieten beharrezkoak aurre hartu eta erantzutea.
 - Babesgabezia-egoerek eragiten dituzten beharrezkoak aurre hartu eta erantzutea.
 - Bazterketa-egoerei aurre hartu eta erantzutea eta pertsonen, familien eta taldeen gizarteratzea sustatzea.
 - Larrialdi-egoerek pertsoneri eta familiei eragiten dizkieten beharrezkoak aurre hartu eta erantzutea.

16 artikuluan prestazio ekonomikoak zehazten dira; eta 22.3 artikuluan, berriz, kategorietan sailkatzen dira prestazio ekonomiko horiek. Horien artean azpimarratzekoak dira Gizarte Zerbitzuen Euskal Sistemaren berezko helburuen artean koka daitezkeenak. Eta argi dago oinarriotan arautzen diren laguntzak kategoria horretan sartuko direna.

Azken urteotan, Gizarte Zerbitzuen Mungialde Mankomunitatera jo duten herritarren gaur egun dauden baliabideekin erantzuna eman ezin zaien larrialdi-egoerak dituztela ikusi da; hori dela medio, batzuetan, egoera horiek txarrera egiten dute. Egoera horiek arintzeko sortu da laguntza hau.

Ondorioz, Arau honen bidez Udalak maiztasun jakin batekin ematen dituenetik kanpo, gizarte-bazterketa prebenitzeko eta dauden era horretako kasuei erantzuteko pertsonen eta familien gizarteratzea sustatzeko ematen dituen Udal-laguntzak arautu nahi dira.

Arautze honek berdintasun, gardentasun eta ez diskriminatze oinarri izan behar ditu funtsean; beraz, beharrezkoa da oinarri arautzaileak onartzea eta berorren deialdi publikoa egitea.

**1. artikulua. — Helburua**

Arau honen helburua diru-laguntza zuzen bereziak ematea da, gizarte-bazterketa prebenitzeko eta dauden era horretako kasuei erantzuteko pertsonen eta familien gizarteratzea sustatzeko, alegia; Diru-laguntzei buruzko 38/2003 lege orokorraren 22.2 c) eta 28.3 artikuluetan zehaztutakoarekin bat etorrita.

2. artikulua. — Definizioa

Diru-laguntza hauek puntualak dira, ez aldizkakoak; eta, gainera, izaera subsidiarioa dute; hau da, pertsona edo bizikidetzako unitateek babes sozialeko beste bide batzuetatik (administrazio publikoek, erakunde pribatuek edota gobernu kanpokoek kudeatzen dituztenak) bete ezin dituzten beharrienei erantzuteko balioko dutenak. Beste diru-laguntza batzuekin bateragarriak izango dira, baldin eta ez badira helburu bererako.

Aukerakoak eta ez-ohikoak dira, beraz, ezingo dira inoiz ere aurrekarizat hartu.

Diru-laguntza hauen ematea beti egongo da Udal Aurrekontuan ekitaldi horretarako eta helburu horretarako jarri den kredituaren menpe.

3. artikulua. — Hartzaileak, baldintzak eta betebeharrak

Diru-laguntza hauen hartzaileak baztertuta geratzeko arriskuan egon eta oinarrizko beharrienei dakartzaten gastuei aurre egiteko moduan ez dauden pertsona edo bizikidetzako unitateak izango dira. Helburu horretarako, Diru Sarrerak Bermatzeko Errentari buruzko maiatzaren 25eko 147/2010 Dekretuaren 5. artikuluan zehazten dena hartuko da bizikidetzako unitatetzat.

3.1. Baldintzak

Larrialdi egoerarako diru-laguntzak hartu ahal izango dituzte baldintza hauek betetzen dituzten pertsonak:

- a) Mungian erroldatuta egotea eta bertan izatea benetako bizilekua, diru-laguntza eskaria aurkeztu baino sei hilabete lehenagotik gutxienez.
- b) Adinez nagusia izatea.
- c) Larrialdiko beharriaren-egorean egotea; balorazio hori gizarte langileak txosten batean azaldu beharko du eta Gizarte Langile guztiek osatzen duten Batzorde Erantzulearen oniritzia jaso.
- d) Ondasun higigarrietan ez izatea 1.500 eurotik gora.
- e) Ondasun higiezinetan ez izatea 3.000 eurotik gora (kanpoan utzita hau: ohiko etxebizitza, trasteleku bat eta garaje partzela baten balioa; eta ohiko etxebizitza landa eremuko bada, kanpoan utzita berari lotutako partzela, desagregatuta ez badago).
- f) Dituen diru-sarrerak ez direla gutxieneko beharrienei erantzuteko beste egiaztatzea.
- g) Mungiako Behargintzan lan bilaketa aktiborako izena emanda dagoela egiaztatzea.
- h) Mungiako Udalaren zerga-betebeharrak beteta izatea.
- i) Beste administrazio batek ematen dituen diru-laguntzengatik zigortuta ez egotea, edota diru-laguntza etenda ez izatea.

Edozelan ere, ezin izango dute udalaren diru-laguntzarik hartu Udalak edo Gizarte Zerbitzuen Mungialde Mankomunitateak aurretik emandako diru-laguntzaren bat justifikatu gabe duten pertsonak eta bizikidetzako unitateek.

Diru-laguntza hauek erabat bateraezinak izango dira kontzeptu bererako hartzen den beste edozein diru-laguntzarekin.

**3.2. Betebeharrak**

Larrialdi egoeretarako diru-laguntzen hartzaileek ondoko betebeharrak izango dituzte:

- a) Interesdunak parte hartu beharko du gizarte-langileak prestatu dion arreta personalizatuko planeko ekintzetan, hain zuzen ere bere beharizan-egoera ekarri duten faktoreak zuzentzera bideratuak.
- b) Jasotako diru-laguntzak eman diren helbururako erabiltzea.
- c) Bere egoeran gertatzen den edozein aldaketaren berri ematea bere erreferentziako gizarte langileari; batez ere bizikidetzako unitateari, ohiko etxebizitzari edota ondareari dagozkienak.
- d) Emandako diru-laguntzak justifikatzea, Udalari egindako gastuen egiaztagiriak aurkeztuz.
- e) Behar ez dela jasotako prestazio-diruak itzultzea.

4 artikulua. — Aldizkakoak ez diren laguntzen tipologia**4.1. Oinarrizko beharizanei erantzuteko diru-laguntzak**

Eremu honetan ondoko gastuak sartzen dira:

- Oinarrizko gauzak.
- Laguntza teknikoak.
- 3 urtetik beherako umeentzako elikagaiak.
- Beharizan bereziak dituztenentzako elikagai bereziak, bati ere medikuak horri buruz egindako txostenarekin batera.
- Osasuneko sistema publikoak, erakunde pribatuak edo gobernu kanpokoak diruz laguntzen ez dituzten botikak.
- Aurreko puntuari lotuta, botika horiek erostera edo horiei lotutako mediku-konsultetara joateko egindako bidaien gastuak.

4.2. Etxebizitzarako diru-laguntzak

Eremu honetan ondoko gastuak sartzen dira:

- a) Ordaindu ez egiteagatik, oinarrizko hornidurak ez eteteko edo, eten diren kasuetan horiek atzera izateko behar diren gastuak.
- b) Alokairu, azpierreantamendu, baterako errentamendu edo ostatu hartzeko gastuak, kasua larrialdikotzat jotzen bada.
- c) Non bizirik ez duten pertsona edo familiei era urgente edo aldi baterakoan ostalua emateak dakartzan gastuak.
- d) Etxebizitza bat alokairuan hartzeko gastuak. Gastu horien barruan sartuko dira, gehienez eta behin bakarrik, hilabete bateko kuota bat fidantzari aurre egiteko eta, beharrezkoa balitz, beste hilabete bateko kuota bat bitartekari lanak egin-go dituen higiezin agentziari ordaintzeko. Ez dira diruz lagunduko hileko 600 eurotik gorako alokairuak, ezta hileko 750 eurotik gorako hipoteka-kredituak ere.
- e) Zorreetan dauden alokairuei eta hipoteka-kredituei aurre egiteko gastuak, etxegabetze prozesuak geldiarazteko beharrezkoak direnean.

5 artikulua. — Diru-laguntzen zenbatekoak

Diru-laguntzen zenbatekoak finkatzeko ondoko irizpideak erabiliko dira:

- a) Eskatzailearen baliabide-maila.
- b) Egindako edo egin beharreko gastuen benetako kopurua.
- c) Erreferentziako gizarte-langilearen eta Batzorde Erantzulearen irizpena, gastua beharrezkoa dela eta arreta personalizatuko planaren eraginkortasunerako ezinbestekoa dela adierazten duena.
- d) Aurrekontua egotea.



e) Orokorrean, eta kasu puntualetan bakarrik, larrialdi egoeretako diru-laguntza guztiak batuta, urte naturalean gehienez ere 1.500€ jaso ahal izango ditu bizikidetzaren unitate bakoitzak.

6. artikulua. — Finantzaketa

Larrialdi egoeretarako Udalak bideratuko dituen diru-laguntzak Udal-aurrekontutik hartuko dira eta laguntza horiek, salbuespen eran handitu ezean, dagokien partidaren aurrekontu-kreditua agortu arte eman ahal izango dira.

7. artikulua. — Eskabideak aurkezteko epea

Eskariak egin ahal izateko azken eguna urteko azaroaren 30a izango da.

8. artikulua. — Prozedura

a) Diru-laguntza hauek eskuratzeko, lehenengo eta behin interesdunak eskaria aurkeztu beharko du Mungiaiko Udalean. Hori baino lehen, eskatzaileak Gizarte Zerbitzuen Mungialde Mankomunitateko gizarte langile batekin elkarrizketa egin beharko du lehenago.

b) Eskabidearekin batera Gizarte Larrialdietarako Laguntzei buruzko urtarrilaren 18ko 4/2011 Dekretuaren 16 artikuluan zehaztuta dagoen dokumentazioa aurkeztu beharko da.

c) Horretaz aparte, administrazio-espeditentia eratzeko, Udalak, interesdunari horretarako baimena aurretik eskatuta, ondoko dokumentuekin osatuko du eskatzaileak aurkezten duen dokumentazioa:

- Erroldatze-kolektiboraren agiria.
- Udalarekiko edota Gizarte Zerbitzuen Mungialde Mankomunitatearekin zorrik ez duela egiaztatzen duen agiria.
- Behar denean, bizikidetzaren unitatea osatzen duten pertsona guztien bizikidetzaren agiria.

d) Udalak aztertu egingo du eskariaren eta aurkeztutako dokumentazioaren edukia; baita diru-laguntzak emateko bete beharreko baldintza bereziak betetzen dituen ere. Horretarako, egiaztatu egin ahal izango ditu onuradun diren pertsonen aitortpenak, eta beste erakunde batzuei, beste entitate publiko zein pribatu batzuei edota eskatzaileari berari behar dituen datu eta txosten guztiak eskatu ahal izango dizkie.

e) Eskabidean akats edo kontraesanik aurkituz gero, Udalak eskatzaileari berari eskatu ahal izango dizkio espeditentia osatzeko edo zuzentzeko behar dituen agiri edota txosten guztiak. 10 eguneko epearen barruan ez badira zuzendu beharrekoak zuzentzen, eskatzaileak atzera egin duela ulertuko da.

f) Erreferentziako gizarte langileak baloratu egingo du aurkeztu den beharri-zan-egoera eta horren gaineko txosten-proposamena igorriko dio Mungiaiko Udaleko Gizartekintza eta Bardintasun Arloari; txosten-proposamen horrek Batzorde Erantzulearen eta Gizarte Zerbitzuen Mungialde Mankomunitatearen zuzendariaren onospena izan beharko du aurretik.

g) Espeditentia gainera ebazpena Alkateak edo berorrek bere ordezkari izendatzen duen pertsonak emandako Dekretu baten bidez egingo da.

h) Ebazpena interesdunari jakinaraziko zaio; eta laguntza, hala badagokio, horretarako zehaztu den kontu korrontean ordainduko dio Udalak.

9. artikulua. — Justifikazioa

Interesdunak hilabete bi izango ditu diru-laguntza horrekin egindakoa behar bezala justifikatzeko; horretarako fakturak, ordainagiriak edota erosketa-ticketak aurkeztu beharko dizkio Udalari.

Diru-laguntza ez bada behar bezala justifikatzen, Gizartekintza eta Bardintasun Sailko arduradunak txostena egingo du justifikazio falta hori dagoela azaltzeko, dagokion dirua itzultzeko prozedurari hasiera emateko helburuarekin.

**10. artikulua.— Atzera egitea eta uko egitea**

Interesdunak atzera egin ahal izango du eskarian, eta horretarako idatziz egin behar dion eskaria Udalari. Gizartekintza eta Bardintasun Saileko arduradunak txostena egingo du kasu zehatzaren gaineko azalpenak emateko, gertatutakoak eta aplikagarriak diren arauak agertuz. Era berean, interesdunak uko egin ahal izango dio onartutako diru-laguntzari, eta horretarako idatzia aurkeztu beharko dio Udalari.

11. artikulua.— Bidegabeko diru-laguntzak itzultzea

Diru-laguntzei buruzko azaroaren 17ko 38/2003 Legearen 36 eta 37 artikuluetan jasota dagoen kasuetakoren bat gertatuz gero, itzuli egin beharko dira hartutako diru-laguntzak eta, hala badagokio, berandutze-interesak ere bai.

9 atalean agertzen diren fakturak edo justifikazio-agiriak ez badira epearen barruan aurkezten, prestazioa itzuli egin beharko da.

Modu berean, 3 artikuluan jasotan dauden kasuetakoren bat gertatuz gero, itzuli egin beharko da diru-laguntza.

Laguntzaren hartzailea izan den pertsonak edo bizikidetzaren unitateak behar ez dela jaso badu laguntza, edo behar ez den kopuruan dira jaso badu, orduan ere itzuli egin beharko da dirua.

Aurreko paragrafoetan aurreikusitako edozein kasu gertatuz gero, Udalak bidegabeko eran jasotako diruen itzultze-prozedura abiatuko du, indarrean dagoen legediari jarraituta.

Diruak itzultzeko ebazpena emateko eta jakinarazteko gehienezko epea sei hilabetezko izango da, berori hasten den datatik gora zenbatzen hasita. Behin epe hori igarota, ez bada horren gaineko ebazpen zehatzik eman, prozedura iraungi egingo da, eta hori adierazten duen ebazpenak jarduketak artxibatzeke aginduko du. Interesdunari egotzi ahal zaizkion arrazoiak direla medio, prozedura gelditu egin bada, epearen konputua eten egingo da, ebazpena emateko eta jakinarazteko.

12. artikulua.— Datuen konfidentziaztasuna eta administrazioen arteko elkarlana

Mungiaiko Udala edota Gizarte Zerbitzuen Mungialde Mankomunitateak eskatu egin ahal izango dituzte Udalaren Laguntza hauei lotutako eskatzaile edo hartzaile guztiei euren bizikidetzaren unitateetako eta diru-laguntzaren onuradun izan litezkeen guztiei buruzko datu eta txostenak; eta datu eta txosten horiek diru-laguntzetan sartu ahal izateko eta betebeharrak betetzeko baldintzak betetzen direla egiaztatzeke behar-beharrezkoak direnak baino ez dira izango; Gizarteko eta Diru Sarrerak Bermatzeko abenduaren 23ko 18/2008 Legearen eta Ordenantza honen esparruaren barruan.

Bai Mungiaiko Udalak eta bai Gizarte Zerbitzuen Mungialde Mankomunitateak bermatu egiten dagokien erakundeek espedientean tramitazioan egiten duten datuen erabilera konfidentziala izango dela, Datu Pertsonalen Babeserako den abenduaren 13ko 15/1999 Lege Organikoak ezarritakoari jarraituta

13. artikulua.— Aplikagarria den araubide juridikoa

Ondokoak dira Diru-laguntza hauen oinarrian aginduko dutenak: Ordenantza hau; Gizarte Zerbitzuei buruzko abenduaren 5eko 12/2008 Legea; Gizarteko eta Diru Sarrerak Bermatzeko abenduaren 23ko 18/2008 Legea; Diru-laguntzei buruzko azaroaren 17ko 38/2003 Legea; eta horren araudia, uztailaren 21eko 887/2006 EDk onartutakoa; beti ere eremu hauek kanpoak geratzen direla: publizitate- eta lehia-oinarriak eta Mungiaiko Udalaren diru-laguntzak emateko Ordenantza Arautzailea.

AZKEN XEDAPENAK

Ordenantza hau, behin betiko onarpena jaso ostean, osorik argitaratuko da Bizkaiko Aldizkari Ofizialean, eta Toki Araubidearen Oinarriak ezartzen dituen apirilaren 2ko 7/1985 Legearen 65.2 artikulua ezarritako epea betetzen denean sartuko da indarrean.

**XEDAPEN INDARGABETZAILEA**

Indargabeturik gertatzen dira maila berdinek eta baxuagoko arau guztiek Ordenantza honekiko agertzen diren kontraesan eta kontrako irizpideetan; eta bereziki pentsiodunei eta langabetuei urari, zabor-bilketari, estolderiari eta argindarraren kontsumoari lotutako ordainketetarako Udal diru-laguntzak emateko Udal Ordenantza Arautzailea (Udalbatzak 2010eko uztailaren 20ko Osoko Bilkuran onartu eta 2013ko urtarrilaren 25ean Osoko Bilkuran aldatzea onartu zuena).

Mungian, 2017ko irailaren 18an.—Alkatea, Ager Izagirre